

四庫全書

集部

欽定四庫全書

集部

文苑英華卷八百

四十八至
五十

詳校官監察御史_臣沈孫璉

助教_臣常循覆勘

總校官進士_臣朱 幹

校對官助教_臣羅萬選

謄錄監生_臣姚培雯

欽定四庫全書

文苑英華卷八百四十八

宋李昉等編

道一

老氏碑一首

續唐故中嶽體玄先生潘尊師碑一首

老氏碑

薛道衡

自太極權輿上元開闢舉天維而懸日月橫地角而載
山河一消一息之精靈上生下生之氣候固以財成庶

類亭毒羣品有人民焉有君長焉至若上皇邃古夏巢
冬穴靜神息智鵲居穀飲大禮與天地同節非析疑於
俎豆大樂與天地同和豈考擊於鐘鼓逮乎失道後德
失德後仁皇王有步驟之殊民俗有淳醜之變於是儒
墨爭驚名法並馳禮經三百不能檢其情性刑典三千
未足息其奸宄故知潔其流者澄其源直其末者正其
本源源本本其唯大道乎老君感星載誕莫測受氣之
由指樹為姓未詳吹律之本含靈在孕七十餘年生而

白首自

一作因

以老子為號其狀也三門雙柱表耳鼻之

奇蹈五把十影手足之異爰自伏羲至於周氏綿祀歷

代見質變名在文王武王之時居藏史柱史之職南

疑

朝屢易容貌不改宣尼一覩嘆龍德之難知闕尹四望

識真人之將隱乃發揮衆妙著書二篇率性歸道以無

為用其辭簡而要其旨深而遠飛龍成卦未足比其精

微獲麟筆削不能方其顯晦用之治身則神清志靜用

之治國則反朴還淳既而鍊形物表卷迹方外蛻裳鶴

駕往來紫府金漿玉酒讌衍清都叅日月之光華與天
地而終始涉其流者則擯落囂塵得其門者則騰驤雲
霧大椿凋茂非蜉蝣之所知溟渤淺深豈馮夷之能測
盛矣哉固無德之稱也莊周云老聃死秦佚弔之三號
而出是謂遁天之形雖復傲吏之寓言抑亦蟬蛻之微
旨皇帝誕靈縱叡接統膺期照春陵之赤光發芒山之
紫氣珠衡月角天表冠於百王明鏡衢罇聖德會於千
祀周道云季多難在時九鼎共海水同飛

一作氣

兩日與

洛川俱闢天齊地軸之所蛇食鯨吞銅陵玉壘之區狼
顧鴟跼黃延姦宄鄭阻兵禍大縱毒螫將遍函夏神謀
內斷靈武外馳應撓搶而掃除仗旄鉞而斬伐共工既
剪重立乾坤蚩尤就戮更調風雨宰制同造化之功生
靈荷魂魄之賜萬方欣戴九服謳謌乃允答天人祗膺
揖讓升泰壇而禮上帝坐明堂而朝羣后昔軒轅顓頊
建國不同大昊少昊邦畿各異舜改堯都夏遷虞邑歷
選前辟義存創造惜十家之產愛兆民之力經始帝居

不移天府規摹紫極仍據皇圖下宇上棟務存卑儉右
平左城聿遵制度朝夕正殿不別起於鴛鸞升降靈臺
豈更營於鳩鵲憂勞庶績矜育蒼生念茲在茲發於寤
寐棘林肺石特降皇情祝網泣辜深存寬簡非

一作非
疑作州

古草字草
纓見慎子

纓知恥畫服興慙天無入牢之星地絕城牛

一作牢

之氣延閣廣內考集羣典石渠璧水闡揚儒業綴

五禮於將壞正六樂於已崩總章溺志之音太師成功
之頌承華養德作貳東朝外正萬邦內弘三善兩離炳

曜重日垂明永固洪基克隆鼎祚重以維城盤石多藝
多才良佐寶臣允文允武為王室之藩屏成神化之丹
青致世俗於潤塗納烝民於壽域旄頭垂象窮髮成形
獯獫作患其來久矣無上筭以制之用下策而難服自
我開運耀德戢兵感義懷仁稱藩請朔稽顙款塞匍匐
投掌牂牁夜郎之所靡漠桑榆之地咸被聲教並入
提封閩越勾吳不愆貢職夫餘肅慎無絕夷邸遐邇視
福文軌大同自三代之餘六雄競逐秦居閏位漢雜霸

道魏氏則虐深華夏有晉則化成戎狄降斯以後粹駁
不分帝迹皇風寂寥千載天命聖德會昌神道變億兆
之視聽復三五之規模固以幽明贊協荷疑作符瑞彪炳

千年靈蔡著天性以効徵三足神鳥感陽精而表質春
泉如醴出自京師秋露凝甘遍於竹葦星光若月雲氣
飛煙三農應銅爵之鳴五緯叶珠囊之度信可以揚鑒
動蹕肆覲東后玉檢金繩登封岱岳而謙以自牧為而
不宰尚寢馬卿之書未允梁松之奏在青蒲之上常若

乘奔處黃屋之下無忘夕惕雖蒼壁黃琮事天事地南
正火正屬神之禋猶恐祀典未弘秩宗廢禮永言仁里
尚想玄極壽宮靈座麋鹿徙倚華蓋蜀壇風霜凋弊乃
詔上開府儀同三司亳州刺史武陵公元胄考其故迹
營建祠堂皇上往因歷試揔斯蕃部猶漢光司隸之所
魏武兗州之地對苦相之兩城繞渦穀之三水芝田柳
路北走梁園沃野平皋東連譙國望水置塾揆景瞻星
擬玄圃以疏基橫玉京而建宇雕楹畫栱何相扶方

井圓淵參差交映尊容肅穆僊衛儼而無聲神館虛閒
滴瀝降而成響清心潔行之事存玄守一之儔四方輻
湊千里波屬知如在之敬申醮祀之禮顯仁助於王者
冥福資於黎獻允所謂天大道大難幾者矣若夫名言
頓絕幽泉之路莫開形器不陳妙物之功難著騰茂實
飛英聲圖丹青鏤金石不可以已而在茲乎歲次敦牂
律中姑洗大隋馭天下之六載也乃詔下臣建碑作頌
其詞曰

悠哉振古邈矣帝先四夷紀地

一作四紀維地

八柱承天叢生

類聚廣谷大川至道靈運神功自然五精應感三微相

繼樹以司牧執其象契帝迹慙皇王猷謝帝上德逾遠

淳風漸替時乖澹泊俗異冲和尚賢飾智懸法張羅內

修樽俎外事干戈魚驚網密鳥亂弓多真人出世星精

下斗龍德在躬鶴髮垂首解紛挫銳去薄歸厚日角月

角天長地久小茲五嶽隘此九州逝將高蹈超然遠遊

青牛已駕紫氣光浮玄門洞啓神化潛流賴鄉

一作相城舊

里渦川遺跡古往今來時移世易靈廟凋毀祠壇虛寂
九井生桐雙碑碎石惟皇受命廼神廼聖響發地鐘光
垂天鏡宇宙開朗妖氛蕩定曜魄同尊參神取正流沙
蟠木鳳穴龜林異類歸款萬方宅心鴻臚納賚王會書
琛青雲干呂薰風入琴化致鼎平家興禮讓永言柱下
猶慙太上乃建清祠式圖靈狀原隰爽塏亭皋彌望梅
梁桂棟曲檻叢楹煙霞舒卷風霧疑作風露淒清僊官就位
羽客來庭穰穰簡簡降福明靈至神不測理存繫象大

音希聲時振高響遐邇讚頌幽明資仰敬刊金石永蟠
天壤

續唐故中嶽體玄先生潘尊師碑

集有
頌字

陳子昂

尊師業尚冲密勤毖幽深理心事天所保惟嗇絕聖棄
智不耀其光故真感冥期珍圖祕學性與天道不可得
而聞也若乃崇標曠迹遐情遠意志摩青雲蓬視紫闥
高宗每降輿輦親詣精廬尊師身不下堂接手而已每

歎曰大丈夫業於道不能投身霄嶺滅景雲林而疲疴

此山以煩世主吾之過乎

集作也

遂欲東遊蓬萊孤角入

海屬天皇敦篤斯道祈款逾深踟躕山隅絕策未往既

而金格有命鑣轡遺區於戲昔姑射有神人堯輕天下

崆峒有至道軒轅屈

二字集作軒后文粹作軒屈

順風玄真高蹤萬

古同德何其盛哉尊師有弟子十人並僊階之秀然鸞

姿鳳骨眇暖雲臨

二本作松

者唯潁川韓法昭河內司馬子

微皆稟訓瑤庭密受瓊室專太清之業遺下僊之儔谷

汲芝耕服勤於我蓋歷歲紀也始尊師受籙於茅山昇
玄王君王君受道於華陽隱居陶公陶公至子微二百
歲矣而玄標僊骨雅似華陽夫階真蹈冥練文粹作鍊景遊
化者其必有類乎法昭等永惟尊師靈迹洞業高深邁
古而棄世往矣其若之何乃斲石幽山申頌金鼎二本作玄

德

頌曰

文粹作其辭曰

觀元化兮求古之列僊得瑤圖與金鼎信元符之自然
神與道而惟一天與人兮相連苟精守以專密必駕景

而陵煙丹邱不死兮羨門子黃門

二本
作宮

度世兮吾體玄

玄之世德

四字本作玄之
至德作體兮

洵淑美冲

闕

養和寶元始初

學茅山濟江水乃入華陽洞天裏道逢真人

文粹有
兮字

昇

玄子授以寶書青苔紙令守崧山玉女峯雲栖窮林今

五紀聖人以萬機為貴而我以天下為累聖人以大寶

為尊而我以天下為煩是以冥居於岷嶴寄遺跡於軒

轅有唐高宗今天子之光好道樂僊兮思

文粹作
彼字

雲鄉

千旌萬騎兮翠鳳張

二本
作鳳

邀我

文粹作
邀遊

汝海兮箕山陽

朝拜白茅夕紫房齋心潔意緬相望所問玉真及玉皇
何以得之受天昌黃庭中人在子身窈窕冥冥精甚真
去汝驕氣與淫神勤能思之道自新文作相親集粹作自親遂解
形而遺世乘白雲而上賓弟子不知其所往集作如也乃
刻石以思真

文苑英華卷八百四十八

欽定四庫全書

文苑英華卷八百四十九 宋 李昉等 編

道二

益州至真觀主黎君碑一首

江州冲陽觀碑一首

衢州開元觀碑一首

益州至真觀主黎君碑

盧照隣

若夫三清上列瑤闕控日月之圖八洞深居貝闕吐山

河之鎮雖復扶桑大帝傳赤字於東華安寶神君受青符於南極猶未能發揮不宰復歸無物之功開鑿妙門言謝有為之業其馮馮翼翼百姓存焉而不知杳杳冥冥萬族死之而無愠獨為衆化之宗者其為元始天尊

乎暨乎蹇蹇

疑作蹇蹇

為仁跛跛

疑作跛

為義鴻臚傳小儒之

具緘滕為大盜之術堯禹生而天下火馳姬孔出而羣方鼎沸則有氤氲祖帝發皓鬢於東周兆朕皇輿飛紫雲於西道鳳交開景返徐甲之營魂龍光照天杜宣尼

之神氣得一吹萬有大造於蒼生把十蹈五樹靈基於
寶祚能使秦皇東指見赤舄而長懷漢帝北遊望青煙
而下拜於是靈山水府俱為練玉之場甲第離宮多入
空歌之地青牛道士按錦節於中都白鹿仙人列瑤壇
於八表乃劒門西拒邛關南望星橋對斗像銀漢之秋
橫月破縈城疑兔輪之曉落武騎遷昇之路冠蓋雲飛
文翁講肄之堂英靈霧聚巖開菌桂蘊金碧之祥光磧
吐天桃積神仙之粹氣至真觀者隋開皇二年之所立

也尋屬煬帝驕淫蜀主奢僭冕旒多事有慙七聖之遊
几杖不朝未遑八仙之術紫臺

一作蓋

初構霜露霑衣碧

洞新開蓬萊變海仙居制度與雲雷而共屯象帝威儀
將市朝而猶梗皇家纂戎北谷乘大道而驅除盤根賴
鄉擁真人之閼闔高祖以汾陽如雪當金闕之上僊太
宗以峒山順風屬瑤景之下視武皇帝凝旒紫閣懸鏡
丹臺運璇極而正乾坤坐闔陽而調風雨變銅渾於九
洛鱗羽登歌鳴玉鑒於四清煙霞變色焚符破璽更聞

繩燧之初剖斗折衡重覩人倫之制銀書紀岱登日觀
以論功玉牒封梁下雲邱而校美千齡胎化中疑以駕

羽之期萬歲巖者獻以華封之壽耕田鑿井者不知自

然鼓腹擊壤者不知帝力嗚呼豈非道風幽贊之效與

乃迴輿詔蹕親幸譙若奉策老君為太上皇帝仍令天

下諸州各置觀一所於是碧樓三襲上接虹蜺絳闕九

成下交星兩

疑作雨

乘雲御氣日夕於闕山薦璧投金歲

時於岳瀆此觀地當極

一作樞

要任切會昌南隣覆錦之

城西逼吞珠之界使星連注皇華結轍既而緣地榛蕪
朱宮版蕩非夫位膺金策名載瓊軒為紫帝之羣賓列
黃庭之上格孰能居此

一無此二字

棟梁平圃丹牖長樓大

開流電之庭廣制明霞之宇觀主三洞法師姓黎諱某
廣漢雒人也金天命秩即有天地之官火正分司實掌
羲和之任夏殷之際代為伯相或食邑於魯或書社於
衛故魯之黎城衛之黎陽即其地也魏晉之交或立功
於吳剖符於蜀在吳者其後封於壽春黎將故城有黎

氏之墓石文石闕之

一作文

字在焉在蜀苻堅時秦為蜀

郡太守北齊時練山為益州刺史故子孫因家於蜀法

師練山之六代孫也祖宗父泉

一有州字

並為州郡都主簿

平正七職之任蜀文公之好智固讓朝恩秦子勅之多

才終從郡辟禮儀體式鄉校取式於公曹獄訟章程府

主責成於平正時無留事復聞坐嘯之談野有讓耕重

聽行歌之樂玄珠結慶剖江漢之圓流紫胞貽祉動岷

精之垂曜豫章七歲非復常材朝陽五色豈云凡鳥初

登小學笑孔墨之神勞一見玄書以彭聃為己任玉笈
雲囊之術龍緘鳳蘊之圖莫不吞楚夢於胷中指魯城
於掌上臨長水而飲犢不就堯徵卧巨澤而牧羊徒勞
漢使冥邱聳駕左肘符觀化之辰諄壑停裝橫目傳栖
真之地貞觀之末有昭慶大法師魁岸堂堂威儀肅肅

列

疑作裂

圓冠而楚

疑作楚

俗制橫大陂

一作帳

而抗山谷聲

若坻顏辯均濤發仲尼河目飛電驚人子貢斗屑連環
動坐昂昂不雜如獨鶴之映羣鳥

一作雞

矯矯無雙狀真

龍之對芻狗于時三蜀耆老咸相謂曰興大道者其在
茲乎初襲羽裳且莅貞陽小觀纔麾玉柄已馳天下大
名尋而廣漢士人固請法師為靈集觀主去長桑之故
苑臨隱全

莊子
作斧

之斯

疑作
新

邱經之營之既彫斯斲銀臺

中天而孤出珠樹匝地而叢生同赤城之建標有黃房
之貞構觀中先有天尊真人石像大小萬餘區年代寢
深儀範凋缺沉沉寶座積萬古之塵埃邈邈瓊顏被千
齡之苔蘚法師睹斯而流涕曰不圖先聖尊容零落於

此是重脰即路無脰

音鉢

永哀櫛沐幾於四時栖遑周於

百舍誓將崇輯事畢然後寢食為期鄉曲爭持錢帛競
施珍寶費餘巨萬役不崇朝還開紫翠之容更表圓明
之色行益州刺史駙馬都尉喬居主壻懿親勲門盛族
任高方面寄功西南法師道叶半千神凝正一而至真
福地荒涼日久不有上德其誰振之又表請師為至真
觀主法師升堂慷慨吐納玄科攝齊寮亮分明紫訣詞
鋒雲鬱觸劒石以飛揚義壑泉奔橫玉輪而浩蕩入其

門者披煙霧於九天聞其音者聽咸韶於三月由是戶
外之履魚貫江水堂下之賓鴈行關塞黃老之學復於
今矣則有王孫之黨都公之論名亞春陵氣高韓魏鶴
裘玉劔散圓庭以陸離驥子銀鞍委山衢而沛艾法師
以茲衆施即於天宮後起大講堂并造長廊二十餘丈
琳堂鬱其峙起星闌忽以環周仰叫窳以嶙峋下崢嶸
以廣朗陰娥假道窺玉女於南軒陽鳥迴轡侶疑青禽
於北閣又於觀內鑄銅鐘一口重七十斤立石壇三級

週迴一百步懸泰璣於碧落明月流光建瓊乳於玄都
飛霜蓄韻壇開錦砌類江浦之澄霞庭列瑤階疑崑邱
之積雪每至三辰法會八景

一作境非

真遊霓裳蕩耀魄之

華羽蓋轉風雲之路通天亘景兼造化之全模帶鳥銜
虹連飛動之奇勢可謂德光而功濟道勝而名揚者也
前長史范陽公一代羽儀門傾四海前長史譙國公兩
朝肺腑威動百城並屈銀黃俱伸交素法師雍容坐鎮
嘯傲行藏雖郭先生之禮峻晉侯蒙莊子之身輕梁相

不能尚也若夫言出於口龍驥所不能追行成於心王

公所不能及悲懷綯

疑作徇

物風雨晦而愈勤苦節橫秋

冰霜急而逾固戶居環堵而歲計有餘道周稊稗而日

用無竭又於學射靈山別立仙居一所即至真之珠庭

也栽松蒔栢與月樹而交輪刻角彫甍共星樓而接翼

蒼郊却倚猶太行之北登錦肆前通似灞陵之南望華

表千年之鶴未見成都津亭八月之龍時歸鄉里法師

出家入道三十餘年弟子所得觀施不可稱量盡入修

營咸供衆用見諸疾苦便開五色之囊遇彼饑寒輒有千金之費巾拂之外餘無所留凡所經過洪濟多矣法師又於咸亨二年正月十八日寢疾之際聞空中有聲曰天上今欲相煩為玉京觀主法師辭以至真功德未就固請不得

一無得字

行少選之間所疾便愈左右侍者無

不同聞自是遠近道俗咸共驚嗟曰天下

疑作上

知余不

肖將棄余矣上座監齋某等並流迴左映策地景於丹田浩氣中升養天倪於紫室雖復同班玉籍並列仙宮

一作官

每屈宗師之道仍修弟子之敬亦猶被衣齧缺同

德而相尊雲將鴻濛比肩而相下大弟子並仙庭十哲

道家童師閉門鍊火陪嘯父之高煙卜肆驅筠記壺公

之遠御咸用輯瓊臺之墜典正騫樹之頽風散在人間

敷揚道教可謂庚桑叟

莊子作畏叟

致大穰以匡時范相

鵠夷行計然而濟俗僉曰吾師也整

莊子作整

萬物而不以

為戾

莊子作義

利萬代而不以為仁逍遙乎有無之表彷徨

乎塵垢之外東郭順子無擇存而不論伯昏瞀人禦寇

論而不議豈使為山九仞道不列於珠庭築館三休功

未書於瑤版下官迷方看博邀赤斧於萬

一作寓

山失路

乘槎問君平於蜀郡汾陽處子目擊而言忘漢陰丈人
德全而機謝是用搜奇井絡題片石於靈邱觀藝協晨
見乘雲之飛將蒼蒼中野同銷地媪之魂眇眇太初獨
昧天師之化其詞曰

象帝之先其誰之子徒觀其妙莫究其始果而勿代為

而不恃強為之名謂之道紀

其一

太朴云季孝慈已彰邈

邈帝祖繩繩帝鄉曰神曰聖為龍為光千年受籙萬古

稱王

其二

於鑠帝唐丕承天秩道風吹萬玄猷配一五載

乘雲三山禮一薦壁延士投金訪術

其三

地分輿井城連

劍闕錦瀨開霞媚峯吐月白雲舒卷青山迴沒芒

一作
茵

閣香飛桃源花發

其四

紫宸高映丹宮洞開巖舒金碧地

起樓臺鶴飛龍度鸞歌鳳迴星雨交接風煙去來

其五
寶

龜涵影玉顏乃睠神劒九光華冠萬變

一作
絢

日軒朝敞

雲歌夕轉紫樹瓊鍾玄壇竹院

其六

偉與上士昭哉至人

笙簧道德粉澤人倫汾陽處子箕山外臣遂荒白屋奄

有玄津

其七

玉局將墜金堦無主草滋紅壁苔凝繡柱式

佇賢才崇其馘

疑作馘

矩福庭霞煥仙徒霧聚

其八

縹緲四

真雍容十哲俱升紫宇並邀清節松子排烟焦君卧雪

辨雲懸寓神遊朝徹

其九

玉壘庭坤珠鄉勝踐鐘鼎紛靄

江山悠緬薛縣池平來州水淺懸日月於鼇極播天人

於鳳椽

其十

唐江州冲陽觀碑

李湜

夫大易究天地之心老經遊道德之奧非先非後無始
無終不行而至不疾而速跨億齡而超萬祀不以為長
馳寸晷而迫分陰寧云是促寒暑乘之而幹運四時行
矣動植稟之以資生萬物成矣若乃注元精而懸斗極
皇運以興陶正氣以立乾維帝圖爰起故軒后以道登
于雲天唐后以德遜於尊位其餘法寶歷揔璿衡皆以
冲妙宰域中玄通御天下逮秦皇慢德漢武驕真幸集
靈之宮遊祈年之館心非至懇意屬無厭徒健羨於一

時竟貽嗤於萬代眷言魏晉咸瓌瓌焉迄至陳隋並區
區者是知道之昌也無為之化若斯道之喪也有累之
求若此然則否終則泰窮變乃通得之一朝必復昌運
我大唐之御極也應盤古而開混沌法太一而掃攙搶
降靈元始之前提象太初之外乾坤翕闢飛龍之德在
天河洛經通神馬之圖出地高祖神堯皇帝鑱宮授籙
推亡懷負勝之圖太宗文武聖皇帝豐戶收祥馭朽握
瑤光之運高宗天皇帝撫大鈞而司左契執大象而

御中樞寵徽於七十二君飛英於萬八千歲中宗孝和
皇帝小心恭孝大度寬仁上奉宗祧下安黎庶睿宗大
聖真皇帝神功不宰聖謨廣運以由庚而安壽域以洪
範而享昌年開元神武皇帝變代重光創業垂統撥亂
反正應天順人知微知彰朝北辰而刊玉惟精惟一會
九牧而鑄金惟幾也能使遐邇肅清惟神也能使幽明
暢謐濛汜抵於暘谷同文同軌大板際於冰邱一尉一
候其公卿也則伊周贊翼其牧守也則郅杜綏懷文以

化成虞庠有籛金之業法惟刑措授臺鮮辨璧之疑爾
其南畝澄清有如京如坻之積東山舉逸無在邁在軸
之幽大樂舉而音律諧大禮備而威儀整民

一作俗

知和

樂人識訓章加以九苞六象之禽止庭巢閣雙鶺鴒五蹄
之獸入囿馴郊慶雲舒玉葉之陰甘露洒金莖之潤海
貝積而江珠滿山車至而澤馬來其餘絕瑞殊尤應圖
合謀者不可勝紀焉由是赤駱青旗坐明庭而頒國政
金繩玉版封日觀而紀天符曷以臻茲蓋皇上得玉真

之要道也故能範圍三大陶冶六虛侯其偉

文選作偉

而眇

其美矣冲陽觀者梁普通三年刺史邵陵王奏置奉詔
造焉其觀當置之際山頂常有雙鶴栖託每天氣清朗
日色晴明西飛雲衢東至廬岳其居也乃爽塏之層阜
博敞之奧區南眺平原北臨激水松子之峯非遠王喬
之嶺猶存左對崇巖右瞻穹岫排雲掩日背陰向陽狀
若幃屏圖經之數載矣以其仙鶴冲翥居處向陽二美
可嘉故有冲陽之稱矣其地也上躋景緯牛斗寓其精

下料山澤廬江嶮其鎮徒觀其

一作夫

數峯朶壑而浪水

瀼階風被邃

一作澗

庭雲葉鏤案瑤林寶藥髣髴三珠之

麗邃宇崇堂依稀七寶之飾真容式備道氣殊高少華

金童捧金

疑

鑪而入侍太清玉女持真訣而來儀鑒沼

營壇宛在風塵之外藥堂經藏蕭然松石之間此實玄

聖之殊庭列仙之遊館也逮于垂拱四年冬遂為野火

所侵回祿揚光軒廊發燄崑山之火燎及芝田麋氏之

災煙侵桂棟致令玄門殆毀仙構俄傾迄至開元之初

猶闕真君之院爰有北岳先生洞玄蘇慕道等凝真北
谷養素清溪長往之迹逾高幽貞之志彌遠多端濟物
寡欲探微痛此荒蕪乘茲捨施衣布之外衾被罔留撫
遺迹而興工想金摹而崇葺日役攸勸風匠是憑洞闕

疑作闕

妙門式圖真景炳乎丹鋪翠幌真若秋水春臺鏤
度玄闕重裝昔像影升玄籥更飾仙儀鳳憩龍盤宛然
功備把十蹈五鈎繩極妙能事斯畢不其然矣刺史趙
郡李訥弓傳虎石將軍橫北塞之勲構襲龍門司隸擅

東都之望愷悌君子名教中人詞場則蘭桂叢生學海
則蓬壺對出聲流宸宸道暢黎烝風符三月之春人荷
二天之福別駕趙郡李承屑卽州將之族父也長史京
兆常公屑司馬滎陽潘公綬並題輿九派展驥二梁雅
譽邁沂土之歌美政完荆南之價化宣千里無勞庾亮
之書功贊六條自得應詹之佐司軍功參軍長孫子尚
司倉參軍姚令珣員外司倉參軍江克勵司兵參軍孫
司弼司法參軍張延祚參軍陳德直嚴幹等八音繼響

以同舉五色聯暉而異趣鳳藻揚日鶯遷弄春梁竦深
恥屈為州縣王彬博綜甫就典兵徐稚枉器於功曹楊
球屈聲於從事豫章擢七年之秀鵠鵬即六月之圖縣
令黃撫主簿周暉尉宋不羈孫匪逸等並椅桐梓杞珠
貝球琅禮樂專門詩書領藝家邦共理忠孝相資博通
應時恭勤揆務嚴明既斷擿伏如神割滯豈異於解牛
繩僭不殊於逐鳥鄉人楊公定周仁珙等茂族高門魁
岸豪傑或掛冠而從三樂或結轡而騁九衢咸捨淨財

以追冥祐具題爵里勒在碑陰所冀證福今生銷災往

劫某頃

疑作頃

因祇役齊沐朝真躬謁崇祠覩茲勝躅悠

然長想悵矣高風此際綱維道明祈請雖幼懷輕舉竊

好神仙未逢太上之家不遇麻姑之席自惟庸鄙輕讚

玄功何敢述其天倪但俱書其甲子昭宣不朽而為頌

曰

大哉元氣邈矣真圖寧窮妙象罔究鴻鑑道氣方振澆

風未敷發揮玄錄何賢墨儒

其一

睢盱莫測盼蠻難名蟬

蛻滓濁神遊太清沉尸載起枯骸更生韜光祕訣養正

真經

其疑作二變相

從彫驅淳入詐質文互起昏明遞謝

燧火御圖觀龍演卦詭類千品殊形萬化

其三

於戲主唐

異聖冲光化吞邃古聲超上皇六幽允塞三靈再昌御

九登運得一乘陽

其稟集作四

惟皇猷光宅天休張我玄

籥清我道流雙童晚憩四子晨遊山棲白鶴闕度青牛

其五

至人有為重爻是考芸閣三襲琳鑒七寶海聖澄真

天神御昊含漱靈液規模玄老

其六

一人有慶萬姓攸資

仰稽真宰式練精思往焚仙桂今植靈芝惟其嗣美賴

我尊師

其七

王命良臣作牧江曲英英佐貳濟濟寮屬中

和演化威恩動俗衆妙所歸羣生是屬

其八

廬峰之右吳

江之南仙居隱隱邃宇耽耽道原巨濟洞穴難探荃微

思拙文何以堪

其九

衢州開元觀碑

顧况

玉太上也謂之三清淵神靈也謂之三洞洞之法金甍

玉珮之書玉馬之券迴車畢道夫

一作天

誥也負石填河

師誓也得之者上騰九天失之者下釁十祖故曰萬劫
祕而五千文行蕭武好佛法道士桃攪釋藏徒聊順帝
旨強說為大教佛經故論者短之多稱道家唯有老子
兩卷井蛙不知尾閭也大哉玉皇上極金闕青童紫微
扶桑之君仲侯左靈東華之君人雖位在上清而猶臣
妾玉皇太上已下如陪臣焉凡三十六天三十六洞地
道下通華陽林屋傍通龍邱九巖其土神秀厥生道與
徐先生名含真中書侍郎闕貞之族子也傳八景之真

文掘

疑作掘

九光之靈符隸乎此觀初棟宇壇墠惟彼瓦

礫鬱為草莽先生之功林堂象設始吐光彩蕭寥同映

養屯茹氣蹈火吞刀之士不可呼而來夫道可不遇

一作

過文復何昌銘曰

天地未生聖人未作陰陽塊圮日月磅礴道隱乎先氣

流形博乃播羣法靈神沃若奔景無天迴元豁落

其一帝

作玉府以般靈居四輔之目三清之書不得其人曠劫

祕諸臣拜稽顙以度

一作處

寶魄之明浩輿

其二

況往嘗盜開靈書罰露天誥免冠自懲慮不塞咎戾夫
其文以自贖蓋欲鋪簡神明非為道士所發自貞元辛
未歲九月哉生明余窮愁幽憤思以自適吟咏道篇以
攄煩襟時長安尉杜陵史鎬在焉為余搦管揮洒後漢
神仙之士王次仲者善為此書余今日見史侯如漢世
矣

文苑英華卷八百四十九

欽定四庫全書

文苑英華卷八百五十

宋 李昉等 編

釋一

此下十九卷英華所編失作者先後之次今正之

陝州弘農郡五張寺經藏碑一首

益州綿竹縣武都山淨惠寺碑一首

梓州飛鳥縣白鶴寺碑一首

陝州弘農郡五張寺經藏碑 庾 信

蓋聞如來說法萬萬恒沙菩薩轉輪生生世界豈直優

波提舍祇夜修多而已哉是以熙連禪河質多羅樹七

處八會三清

一作清是

四說皮紙骨筆木葉山花象負之所

未勝龍藏之所不盡

一作蓋

雖復銀函東度金疊南翻秦

景遙傳竺蘭私記譬猶得海水之一珠不下崑山之片

玉若夫人雲深藏師子雷音梵志往生聲聞說戒雪山

羅漢之論驚嶺菩提之法本無極際何可勝言弘農五

張寺者南陽張元高寓居此地昔者千金之族見徙五

陵大姓之民移家六郡蓋其流也元高五子負荷遺訓

離經辨志並是成名入室生光咸能顯德加以尊承慧
業敬受法門兄弟同居共捨為寺伽藍肇建即以五張
為名是知城居趙信仍名趙信之城殿入蕭何即號蕭
何之殿加以象馬無愆衣裘是捨一作拾春園柳路變入

禪林蠶月桑津迴成定水平興雖盛豈可獨擅二龍扶

風最良不得專稱五馬寺主三藏大法師法映一作法映法師

邑主洛州刺史張隆等財行法擅一作財法行壇身心罄竭兼

化鄉邑道俗數千敬造一功德輪見成三百餘部雲

書金繩金檢削之蒸粟之簡裝酸棗之珠並入香城咸

封禪閣坐堂伏檻羗

一作老

非湘水之神綠房紫的足擬

恭王之殿高掌西望長河北臨鼎氣常浮爐煙咸起戶

牖寥廓吹萬龍門

一無門字

之風梁棟崢嶸落客

二字一作實

河

源之樹僧徒雲集不遠燉煌之城學侶相奔更合華陰

之市兩陝昔分實基王化二陵今阻翻馳羽檄虞公屈

產交亂風塵召伯甘棠凋零霜露雖復兼能共治未遣

渡河之獸烽析是警實擾移關之民是以法王御世天

人論道汲引四流周圓五怖故能調伏怨憎消除結縛
法水津梁得無砥柱之難香山轍迹非復終南之險天
子命我試守此邦墨竈未黔孔席無暖纔臨都尉之境
即有樓船之役既而南風不競北道言旋幕府既開邦
君且止鄉俗耆老依然此別屬茲法事須余制文聊以
課虛為銘云爾

舍衛之國祇洹之園三明極地八會窮源連河競說勝
辨爭論波提東度祇夜南翻非空即色離有無言達人

止是獨悟重昏身雖繫鳥

疑作馬

心避騰猿禪樓却月義

殿翔鷗迴風香蓋反露珠幡西臨砥柱東背輶轅河鳴

陽破山嚮

漢書響嚮通用

蘓門翔禽歌轉流澗絃喧度河餘獸

移闕舊村昔為蠶服今成塞垣城疑廣武地似樓煩燿

烽並照象馬單奔無鍾襲苔有雨

一作兩

圍原不資十方

誰釋三

一作二

怨風傾地柱火及天元銀鈎永固金牒長

存封君馬首方事南蕃言從楊僕請謝劉昆

用後漢劉昆虎渡河

事正應前句英

華誤改作琨

益州縣竹縣武都山淨惠寺碑 王 勃

原夫帝機寥廓雲雷驅妙有之功正氣洪荒清濁構乾
元之象融而為川瀆結而為山岳五城韜海接崑閬於
大都八洞藏雲冠瀛州於巨闕造化之所偃薄靈谷之
所啓處極緹油而縱觀詠頌寧殫出宇宙而高尋風煙
罕測是知玉卮無當遐荒非視聽之津金榜所存城闕
盡江湖之致何必九蚪齊騫直訪銀宮八駿長驅遙臨
石室武都山淨惠寺者梁大清年中之所建也名山列

岳之舊仙都福地之湊黃龍負匣著寶籍於經山紫鳳
銜書蔭榮光於井絡須彌山頂仍開梵帝之宮如意山
中即有經行之地爾其盤基跨險列嶂憑霄日月之所
竄伏烟霞之所枕倚飛泉瀑溜蕩滌崩崖綠樹玄藤網
羅邱壑飛塵作氣被萬吹於中巖帝琰司寒宅千霜於
北谷丹梯碧洞杳冥林岫之間桂廡松楹寂寞風塵之
表是稱英鎮實瞰崇岡閭閻當四會之街城邑辨三分
之地縣磻錦瀆下侵重巒玉阜銅陵旁分絕磴山川絡

繹崩騰宇宙之心原隰縱橫隱軫亭臯之勢頃以黃旗
夜徙紫蓋晨傾九服失圖三靈在疚姦臣躍馬據折版
疑作坂而吟雲壯士聞雞擁陽關而嘯雨岷峨失險化為

鋒鏑之場江漢橫流非復朝宗之國禪宇由其覆沒法
衆是以凋淪國家淹有帝圖削平天疊紫宸反照皇階
即叙萬國順百靈朝幽顯再立華戎一揆燭龍韜景避
堯日於幽都雲鵬斂翼候虞風於晏海以為軒階具美
功窮望祿之臺漢道兼弘力盡初

疑作祈

年之觀爰經寶

地大啓祥宮撫香象而高視鳴法螺而再唱龍垣淨土
連帝道而重光鶴苑崇基脫皇居而首出况乎山積舊
壤下鎮偏隅天帝遺墟上千蹕次王舍城之宮闕白玉
猶存給孤獨之園林黃金尚在法物由其大備盛德所
以相尋株兵奉天藏之圖泉女獻山祇之籍離亭合榭
因岸谷之高低疊觀連房執岡巒之曲直丹崖反照畫
拱相臨綠嶂斜烟雕簾間出豐隆曉震次複審疑作雷而
悽皇列缺晨奔望崇軒而愕眙千香寶樹自起風烟九

乳仙鐘獨鳴霜雪銀龕佛影遙承鴈塔之花石壁經文下
映龍宮之業虹生北澗即掛新幡鳳下東岑還栖舊刹
若乃尋曲岬歷崇隈周行數里直上千仞蒼松蓄吹臨
絕逕而疏寒黛篠防烟繞迴疆而結蔭春巖橘柚影入
山堂秋壑芙蓉光浮水殿亦有山童採葛入丹竇而忘
歸野老紆花向青溪而不返山神獻果送出菴園天女
持花來遊淨國寶杳冥之秘訣託幽深之逸境豈直淮南
桂樹暫得仙家江左桃源終迷故老而已爰有寬閣梨

者俗姓揚氏其先華陰人也因官徙地家於縣竹山分
太華水帶長汾州岳會同風雲感召玄經素論侍郎居
八俊之英綠綬黃軒太尉列三台之首法師玉函降彩
金瓶探色振八解之遙源踐三明之廣路靈機入證窮
象載於初髻妙諦因心釋羊車於弱冠三千法界由廣
位而出無明十二因緣自普濟而登彼岸弘宣誓願大
拯沉黎揮覺劍而破邪山揚智燈而照昏室彌綸所被
白馬盡於禺門權漸所開黃牛至于嵒冢虔誠樂土憩

影茲峰迺以貞觀九年於寺西院立七佛堂一僧舍星
毫動牖月面分堦彩鳳銜旒神龍負塔飛烟湧座龕龕
忉利之天杳霧成臺樹樹菩提之果朝散大夫行縣令
清河張楚親承妙業俯刊貞琰林宗有道伯喈無愧法
師夙機少晤應變多竒玉山中斷瓊林下雜支道林之
好事語默方融釋惠遠之高居風埃遂隔泊乎坐忘遺
照返寂歸真城肆颺然若空山川黯而無色豈直巖枝泣
血磧戶摧梁而已哉縣令劉照彭城人也自礪山杖劒

綰鳳歷於雲臺春郊授鉞嗣龍圖於白水玉壘三分之
胄下雜公門金陵一霸之基旁參帝緒翠綏丹紱歷今
古而先鳴人傑地靈冠山川而得雋君膺岳瀆之秀挺
風雲之會一作選昆溪劒鏑直照胷於疑楚澤珪璋潛周

履行魯恭明德方昇漢輔之階潘岳能文且職河陽之
縣仁徽可被闔境仰其風猷威德所加百城疊其霜彩
尚廼康莊妙域光開不捨之壇舟楫愛河昭暢無生之
業痛鷺林之殄瘁悲象教之榛蕪爰命緝興式光泉藪

武溪龍澗近分廬岳之圖金闕瑤臺更討瀛洲之記銘

曰

武都仙鎮靈墟奧域邑動香城山開淨國澗流百道峯
雲五色谷暗藤斜山高樹逼千楣鶴列萬拱星懸分林
構趾接磴開屢臨階竹樹遶棟風烟龕前恠石塔下秋
泉綠崖疏逕青岑拒室霧道相縈烟房互出葉濃磳淨
花深嶂密鳥度難尋猿驚易失簷分石竇地絡金沙丹
邱抗月碧洞棲霞松開野路桂列仙家仙鑪栢葉寶座

蓮花砌因巖曲橋隨峰返果出天厨香來仙苑玉鑄疑
啟曙金鐙照晚谷思鍾張山悲鐸遠閭閻踐勝銅墨高
情聲飛別邑望動專城懸金道肆刻石山楹千載之後
于嗟令名

梓州飛鳥縣白鶴寺碑

原夫玉都瓊室紫垣光大帝之庭金闕銀臺玄壁壯羣
仙之域故能使神明有宅駕日月以長驅鸞鳳知歸撫
雲霓而上出斯則會巢瑾穴上皇迷棟宇之尊考室靈

臺中古識巖廊之貴然後冕旒前序提四海以為家登
步大階列千門而有闕

疑作闕

況乎嗜山形見旁行草昧

之先

闕

先宅乾坤之右雖鶴臨西門龍宮與王

法同亡而象化東流鴈塔與遺儀繼起白鶴寺者蓋菩
提寺之餘址梁武皇之所建也香城福地之舊三巴五
蜀之湊裂岷山之奧域分井絡之榮光西包玉壘之墟
北瞰銅陵之野南扃列第門庭萬家東戶連峰岡巒千
里實伽藍之勝迹得迦衛之英模憑絕磴以圖規俯長

溪而作固自金陵不競玉鏡無章地池興南露之悲亭
障切北風之候崩山鬪水觸地網而三分墜月奔星劃
乾綱而五裂中原錯戾慈門為虎豹之墟滄海橫流定
水穴鯨鯢之浦懷山既蕩法衆咸淪林院榛蕪軒堂委
寂遂使悲生棄井堙玉甃於三泉歎積為山移瓊峰於
九仞皇上攝千秋之寶運緒三聖之宏機挾宇宙而先
神御雷風而首出靈功不宰華夷沾共貫之恩至道無
思霜露得平分之序考禎圖於日慎寤寐同符稽妙冊

於年刀

疑

幽明合貺然後東巡巨鎮初

疑

六聖而撫寰

中南面天壇朝萬方而小天下皇威既暢寶應齊歸川
岳薦靈風煙動慶丹烏抱日疑增帝閣之華素鶴低雲
若赴仙庭之會昔白魚黃竹業未竣於封崇赤鴈芝房
名不登於梵宇爰徵瑞典肇錫嘉名重興波若之臺更
起招提之院金繩夕布綿秀闕以開壇玉牒晨舒擁回
峰而闢戶爰有弘演上人者法門之秀士也行超常凍
思越恒饑悲淨域之為墟喜皇波之普泛縱還舟於苦

海驚浪旋夷比歸馭於邪山靈闕非險於是淨財雲委
真衆烟馳如趨摩勒之宮似向毗邪之國縣令梁弘悅
首加甄緝縣丞梁敬一親昭施典上憑天旨爭開舍利
之壇俯會衆心競起須彌之座禺同故嶺石鮮堅華廣
漢餘垆地多疎斥事闕經始人懷祇懼重階不就空思
天室之氓寶像無資未獲黎陽之士豈非冥期盼靈功
參造化之外故能果屑間發蓮眸周映貝齒含滋璿毫
起照三十二相臨玉座以相輝八十四儀擁金山而圓

立層甍四合爍奔電於丹楹複殿三休絡浮烟於翠幌
因高積磴疑遷倒景之臺架嶮連榮闕立迎風之觀琤
簷競注縈霧道以龍回繡桷爭飛縹雲衢而鳳矯寫歸
禽於寶鏡誤接朝鸞圖走獸於文璫疑栖夕兔雷霆蓄
洩裁臨承雷之間烟雨飛浮未出層巒之下耀丹青於
菌壁妙跡疑存炳銑鑒於蓮龕神輝自燭鏘鏘攔鐸聲
傳桂葉之風焰焰山爐氣結松陰之藹仰真容於始旦
滿月晨昭窺列棟於方宵長虹夜發香泉激溜有符溫

淨之池瓊木成行無忝祇園之樹信煦尼之別府寔兜
率之殊庭者乎愛友上座法師等情機藻瑩戒律圓明
披玉筍以研芳候瓊鐘而肅慮禪姿曉映依稀同雞岫
之前梵唄晨臨髣髴像玉山之曲縣令獨孤儉等或鵬
垂待運終變道於中台或蠖屈求伸且毗風於下邑鄉
望儀曹等或鹽泉錦室家稱二燭之毫疑作三蜀之豪
左思蜀都賦云
家有鹽泉之井
又云三蜀之豪或抱朴懷仁譽擁雙流之美或以為山
川肆踐猶紀石於弇州陵谷生哀尚沉研疑作碑於峴首

况乎德因時盛慶流封拜之辰名為功登事屬文明之
運豈可使璿猷被物終昧燮於玄機金字韜華不題勲
於翠琰敢作頌曰


睿塗菌

疑

謁靈機翕忽玉架天都金裁地闕法王利見

香城繼發鴈塔齊雲龍宮瘞月長江近域廣漢遺居禪
局共往梵宇全疎迹均梁後義切秦餘山川牢落榛莽
邱墟有聖聿興惟皇降撫因天憑地為雲為雨日觀龍
驤烟壇鶴舉肇開嘉號重光淨土猗歟上士道場真政

物觀成章子來興詠土石呈彩人靈合慶寶座晨嚴金
山夕映紫微分殿青岑暇疑郭複岫縈樓攢峰跨閣月
低璿鏡星連寶鐸彩鳳將飛蟠虹未落森沉桂宇肅穆
筠壇花明柳砌葉暗朱欄溪留夏雪澗咽秋湍山虛梵
冷谷靜鐘寒法衆爰依禪徒戾止望風三蜀征塵千里
頓首玄墀歸心翠宸業起疑作有色功齊無始偉哉冥
化妙矣能仁去來均迹前後俱身寂滅為樂般若為因
題芳翠琰敢詣靈津



文苑英華卷八百五十

欽定四庫全書

集部

文苑英華卷八百五十一至

詳校官監察御史臣沈孫璉

助教臣常循覆勘

總校官進士臣朱鈐

校對官助教臣羅萬選

謄錄監生臣姚培敦

欽定四庫全書

文苑英華卷八百五十一 宋 李昉等 編

釋二

益州德陽縣善寂寺碑一首

梓州通泉縣普惠寺碑一首

梓州郪縣兜率寺浮圖碑一首

益州德陽縣善寂寺碑

若夫玉繩高曜分寶歷於皇階金榜洞開導璫暉於帝

幄雖復蒼梧北望湖亞

疑

盈舜后之歌綠苕西浮江漢

積文妃之頌未有激揚煩蔭栖妙果於香城揮發蓋纏
樹冥基於淨域則紫房丹室猶居燬室之間朱紱瑤筐
未出塵籠之際我國家鳳翔元氣駕黃幄而層飛龍躍
太虛絕蒼根而止僭文皇帝以八才御歷光昇代野之
榮文德后以十亂乘時恭贊塗山之業握仁王之寶鏡
日月重光驅梵帝之金輪雷霆靜侵涅槃甘露承眷而
宵流般若靈音雜祥以晝引蛟臺蜃閣俄交震旦之墟

月面星毫坐照毗邪之國善寂者蓋舊寺之餘趾梁武帝之所建也爾其碧鷄仙宇分絕障於金堤石兔遙源控長江於玉峽封畿四會龍垵舍衛之壇里閑三分鹿野徑行之地洎蒼鵝上擊銅馬交馳祇園興版蕩之悲沙界積淪胥之痛火炎崑岳高臺與鴈塔俱平水浸天街曲岸與猴池共盡山川隱嶙空傳鷲嶺之基灌漑疑作莽蕭條非復鷲林之樹武德伊始君子道亨正皇極而撫寰中登太階而臨天下函關雲物更逢真聖之期井

絡星辰重集會昌之運雖開基撥亂獄訟知歸而繼絕
興亡經綸未暇先皇帝統業貞觀仰疑宸奉文物於三

天布聲名於十地參羅上下充素籥於襟懷八部神祇

薦圖書於掌握皇寶降地花昇含生無昏墊之虞法衆

有來蘇之望俄而往

疑

庭構癘椒房穆卜六宮震恐三

靈愕眙馳瑤展幣有聲於羣宗碧劑元針無徵於衆術

帝廼降監廻慮屏壁與珪追勝迹於靈關事良緣於福

地爰抒聖綍重啟禪宮峙珽利

疑作璇利

於將傾鎮

一作領

銀

繩於已絕綵

疑作絲

綸既洽棟宇行周坤德用寧陰儀載

朗於是林衡授矩周官詮揆日之工梓匠揮斤荆客練
成風之巧重楹畫拱坐出天霄複樹文閨俛臨電宇顯
慶中縣令蕭君道弘理鈎繩於日用憑藻績於天成仙
官之妙匠可尋廬舍之神模不墜琚落鶴翥洩珠網於
星津綉桷蚪伸吐璿璫於月徑綠房丹鎖彩綴晴霞紫
閣青䟽光含薄霧春風瓊樹香飄席上之蘭秋水銀塘
影數軒中之芰晨光轉卉翻寶宇之龍花溥露低枝蕩

真文於貝葉天童潤色黃珉碧玉之壇海聖彌縫師子
龍王之會建靈幢於厚夜珠飾年深懸法鼓於迷津規
模歲遠時又於佛堂東壁畫二聖僧丹青未畢大啟神
光隣玉塵之崇輝發金龕之寶相朱軒夕朗似遊明月
之宮紺宇晨融若對流霞之闕由是岷英蜀秀攀講序
以雲趨帶驚裙鸞仰齋庭而霧合貪機火阻淨施旁流
綺羅分解珮之因軒蓋得捐金之所靈妃翳日捨翠幄
於香筵仙客停雲落霓裳於寶地自非冲姿密契景應

潛周豈能照義祉於氤氲動元機於盱蠓者也爰有上
座弘一節並沉研符隱括仁棠疑妙律於神珠肅靈椒
於寶印大昊奉檝截若海而橫流風伯扶輪歷邪山而
郊駕騰燭龍於惠炬俯鏡重昏奏鳴鳳於天歌下清羣
籟摩珍在握遙臨七寶之宮正覺為心俯闢三乘之路
湛衝躡於忍地品藻鷄園推水抵於言河扶持象化縣
令宇文某河南人也帝隋尚書之元孫皇唐侍中之令
子爾其虹旗萬里御六氣而鵬翮霜戟千羣擁三州而



鶚視帝葉皇枝之重對越乾坤金滕石匱之功光華宇
宙公上流提慶中和毓祉見鍾鼎於南鄰奉軒裳於北
闕雲姿月步下瑤澤而追風雪羽霞臨歷珠田而矯霧
芳蘭公子即以地業高人幽桂王孫即以琴樽待物叙
徽猷於禮樂則俎豆縱橫談賞契於林泉則煙霞咫尺
自裁聲百里揆化雙川收武城之故事擇中年之令典
仁風易狎候丹籜於春垌惠化難經佇青鸞於曉墜疑
山巨源之遠量嘯傲行藏謝太傅之高風從容語默縣

丞王敬衣簪舊族孝友名家白虹絨抵鵲之光紫電蓄
衝牛之氣七年高秀拂層漢以非遙六月雄圖擊長波
而未遠鄉堅等少承榮緒中區勝族門稱東別之標地
接西隅之嚮嚴君平之履道盛德家傳秦子整之談天
風流代襲咸以為妙圖真諦事出於無名翠琰元碑道
凝於不朽弇州北跨猶疏隸驥之名文石東區尚勒元
龜之頌況乎玉衣流慶事屬於仙幃金屋延祥福纏於
梵宇爰求勝筆載記芳謠下官弱植少徒薄游多暇薜

蘿人事空餘江海之心筆札神交尚有淵雲之氣相如
謝病訪詩酒於臨卽丘也棲遲聽絃歌於單父羣公以
道之存矣思傳記德之書下官以文在茲乎願展當仁
之筆其詞曰

蜀蒞

疑

東漸岷山西積月峽星橋勝金孕碧胎嚮靈兆

丘墟梵迹鴈塔推基

闕

肅肅黃運英英文母配乾垂

慶儀坤握矩寵照香城仁沾淨土爰光大壯聿求多祚
青牛福地白鶴禪林重扃霧敞複殿雲深龕雕翠玉刹

樹黃金龜鏡夕照風鐸晨吟蕙樓彌堅化臺出沒棟列
長虹窓栖明月果脣周映蓮眸間發雨霽猴池煙生龍
窟肅穆禪衆優游令宰方駕康衢連舟性海驚岳增飾
鷄林潤彩藻繪相尋丹青盡在我今懷矣窮路何長疑
承風詠德展義陳詞百年心事千載風期東西南北栖
遑幾時

梓州通泉縣惠普寺碑

若夫元機默運披睿列於三精素鍵潛融肇神功於萬

彙則有靈期。𧈧蠻龜龍負河洛之圖。帝緒氤氲賢哲舉。
乾坤之策雖功懸日月。終值軌於寰中。業靜雲雷未逃。
規於象外。爾其譯雉林之寶偈。詮鷲嶺之真圖。抽紫玉
於禪山。朗元珠於智水。不生不滅。光臨妙物之津。無去
無來。濬發乘時之契。仗三明而獨運。施洽平分。據二諦
而同歸。功超遂古。故能使二千法界。向風知衽席之師。
百億大王。聞道失巖廊之貴。非什迦之神化。其孰能與
於此乎。既而正法將隱微。疑作微言不嗣應。身既沒遺儀。

間起恒星夜掩西天街風霧之悲夢日宵成東漢肅壇
場之禮由是鹿園曾敬像教旁流宣妙獎於希夷範靈
蹤於顯晦瑶龕寶座光華震旦之墟鳳剎蜺裳斧藻間
浮之域其寺蓋梁大同年中所建地分彭蜀嶺對岷峨
憑廣漢之遺墟籍隄為之舊壤西馳峭崿山連白雉之
交東赴東川江走黃牛之峽崇墉却峙之勢庭衢四會
勝里九曲之分間閭萬積危冠袷服參差軒蓋之則露
闕畦隱軫亭一作神 臯之望是惟先鏡實啟香城煥若神

化出紺壇烟屬䟽絕閣而三休紫殿雲深徹迴廊而四
注重藥複棟霧緝霞張綉栴栴楣鸞伸鶴跂珍臺控景
羲和闕練轡之因綺榭裁氛屏翳得停鑣之所連薨積
翠交玉鎖於星衢洞戶流丹綴金鋪於月竇垂珠網露
傍傾漢浦之琛列鐸吟飈上合鈞天之樂固以輪奐之
美冠真宰以先鳴琚範之奇告靈基而得雋乃造彌勒
下生像一座相好端足姿卽備貞觀末年靈暉繼發房
範匝曜疑連不夜之城戶牖皆明似出重昏之境自非

理參幽贊道叶冥機宣佛鏡於無方演慈燈於已絕豈
能寫丹青於實相妙色長存圖銑鑒於真容神光不昧
若乃時暄福地低落照於晴暉候肅禪房汎初華於霽
景千千寶樹若在雙林一一香仍清八味山暉倬脫枝
疑葉序而相鳴野鶯迎春拂花簾而自樂松楹秀蔓曲
成蘿薜之衣砌石生蓮直起芙蓉之座則有捨身童子
戾止巖扃忍辱仙人來儀磴戶都人野彥希梵席而投
裾趙美燕餘望齊庭而繼履莫不青鳬委貫俱欣不捨

之檀紫具兼明共化無緣之力故能使珎形畫塔象設
年滋彩帙瑤箱龍編月久豈西周之道備南國之風成
者乎爰有寺主等覃機色外練迹塵間浴甘露於身田
集祥風於性宇栖情不二起初地之權授手大千猶擁
彌天之具縣令等或公侯百代元貂列駟之門或文史
三冬吐鳳迴鸞之客銅章墨綬任切臨人鐵印黃簪功
宣陸漸局一作局牛烹而待價肆蠖屈以來伸揮銚九折
之隅作鏡雙流之外錄事抑元等丹軒紫綬家傳方面

之勲驪子魚文地列膏腴之右昔承隋運屢委天書爰
自皇初顯流帝禮等賓渝之奉漢類微濮之匡周咸申
白馬之盟並受飛龍之託故能遺風罔墜代濟其美望
重西南功宣法俗咸以為絃歌小政猶篆德而垂芳鍾
鼎微榮尚銘勲而作鑒況乎神威自在方傳宰匠之功
豈可棟宇常存不勒山河之贊爰託幽鄙奉揚微猷敢
宣此義而為頌曰天地定位君臣作極道在巖廊功霑
寰域尚清皇矜猶歌帝力況我能仁惟神不測誕生迦

室利見王城機罩有應業會無生長驅定境振旅魔營
恩無動植勢絕隨迎驚山傾仞鶴林埋景惠日西沉慈
波東騁競窺靈相爭參佛影月殿分城雲龕動嶺長江
舊域廣漢遺區川分潼峽塞接岷渝閭閻四會亭障威
紆爰開寶地實控名都霞牆百雉雲甍四住紫闕尋煙
赭樓結霧波流虹起雷奔螭步網罩星鵲璫栖月兔靈
機藻繹禪室安閑琤金範玉舉翠浮丹神宮不夜虛室
長寒光超有色貺出無端清露花徑飛泉葉戶礪綠苔

秋山蒼樹古茫茫
庶類巍巍淨山鷺
鷺同歸華夷共聚
第一義諦寥廓法
門迹離生滅思舉
乾坤情迷則復道
在為尊惟名與器
萬古長存

梓州郪縣兜率寺浮圖碑

若夫仙樓白玉窈
窕崑閬之墟神闕
黃金寂寞蓬瀛之
浦斯則罔鬢髻稽
鳳冊而空存島嶼
憑陵艤龍舟而罕
迨至若按皇軒於
夏籙考璿構於殷
圖周王北洛之宮
秦帝南山之閣西
京故事不聽雷霆
東國餘基俛臨

風雨莫不陵遷谷變共榛灌而丘墟火絕烟沉與雲雨

而块芥其有據坤

闕

之寶位借神道之宜扶占象緯而

圖基揆川原而宅址蜂蠆映月還臨舍衛之城鴈塔尋

雲即對嶬閣之嶺成而不毀者將斯之謂歟堯率者隋

開皇中之所建也爾其林泉糾合之勢山川表裏之制

抽紫巖而四絕疊丹峰而萬變連溪拒壑所以控引太

虛蒸雲駕雨所以盪洩元氣涪江千仞波潮將旭日爭

光都城百雉薨棟與晴霞共色信光造化之奇模畫登

臨之妙境元房霧轉抗金樞於桂岳之前紺殿星開栖

玉刹於

闕

花落沼近拂天衣澗葉低陰斜籠寶座宵

汀鶴警乘鼓吹而齊鳴曉峽猿清挾霜鍾而赴節若乃

巡碧磴歷元階鎖窓登

疑

綵瓊鋪洞照神姿滿月疑臨

石鏡之峰衆馥揚烟似對香爐之岳信可下清人境上

配天都為勝地之先鳴執名山之右契者也爰有信弟

子某乙等夙祛塵網早植慈根悲梵室之未弘悼禪居

之猶褊以為上棟下宇河圖避風雨之災廣榭崇臺時

令著高明之宅是以菩提長者競潔雲烟之壇天帝人
王爭闢仙宮之塔則知威容下麗群生鮮瞻仰之因材
樸重凋黎人有子來之地乃於寺內建浮圖一所某年
月日鄉望等兆基弘願繼發淨因陵轢中天規模大壯
高列砌架廻浮輕軒直上千尋周廻百步占氣候景神
祇叶幽贊之功揆墨端行班倕逞絕群之思收岱宗之
杞梓聚崑山之玉石土無五色金逾百練龍蟠萬拱策
屏翳而高驤鶴矯千楣冠扶搖而獨運重簷藹藹雲將

反覆於樞軒洞宇寥寥風伯栖遑於戶牖仙娥去月旅
方鏡而忘歸寶婺辭星攀圓璫而未迈元薨湛霽若鵬
飛之戾九天丹楹聯騫如鳳翔之據千仞每至韶光照
野爽靄晴遙列郊墟於四野開雲氣於千里風恬雨霽
烟霧藻天地之容野曠川明風景挾江山之助則有琇
簾綉軸排淨域而停輪寶騎銀鞍指珍臺而聳轡於是
披岫幌抵巖扃攀翠複而三休步元梁而十憇廊軒外
敞淑氣長延陰室中開鮮飈自激俯環瀛而極野積蘇

非遠出雲漢而高踐靈槎可記真福地之殊觀香城之
巨麗者乎寺主等沉研二諦振耀三明抵蒼壁於邪山
攬元珠於定水挹其流者曲成般若之緣承其風者濬
發菩提之願長史河東裴某風神朗潤操履貞勤蕭條
江海之心磊砢冰霜之節下岷關而叱馭寄切全都臨
蜀野而宣條功深半刺縣令衛元

闕

河東望族紫

高銅墨任屈絃歌浹辰而風化大行踰月而姦豪屏氣
陶潛彭澤自得高人王吉臨卽仍延重客縣丞胡敬仁

三河舊徹

疑

一代良材提鏌鉞而願割蹕驪而待步

江湖秋

疑作秋

至方懷縱壑之圖海浪風高未接垂天之

翼鄉望等並中和受氣孝友承家才稱江漢之靈地實

岷峨之秀或以時良入選擢迹鄉鄰或以逾

疑

望來儀

升名郡縣並沐康衢之化俱承比屋之封瞻彼岸而同

歸登春臺而共樂咸以垣墉遽覆猶傳路寢之歌銀鼎

俄穹尚勒靈臺之頌況乎崇基奕奕與天地而爭土層

構莪莪配山川而永固豈可使宏規在我空存蔽月之

英雄筆同時不惜凌雲之氣謹聞命矣乃作銘云

二象成紀三才定位開剖太虛導引元氣紛紛化迹颺

颺聖致行傑趣約歸同業

疑

異法王西眷教迹東遊功

超道茂義冠儒流丹青既備棟宇旋周梵宮霞積香閣

星浮緬想規蓬瀛金臺迴起曠瞻崑閬瑤房峻峙壯矣

名都神居攸止大哉英服茲峰誕紀金繩對嶺玉牂分

岑松扃委鬱桂幌深沉雲龕

疑

晦煙洞花深重巒霧結

複磴泉吟肅肅禪衆遙遙淨境鹿野經文龍宮拂影梵

臻金室光來石井峽曉猿清池曛警岷峨舊族江漢英
姿爭開法願重峻崇基占雲接廡揆景分墀天人合應
幽顯呈期靈思孤出神摸獨霧積千楹霞張萬拱玉牖
星羅璿璫月擁複榭龍蟠重甍鳳聳嵯嵯峻岵奕奕崇標
琚簾切漢寶綴陵霄深窓閼景洞戶流飈銀缸夕映珠
鐸晨搖我辭秦隴來遊巴蜀勝地歸心名都憇足甫建
鄉縣頻移灰燭聿從良時尋妙躅曠望原陸周流江汜
桃李春風芙蓉秋水烟霞四面關山千里他鄉寓目茲

馬復幾

卷八百五十一

文苑英華卷八百五十一

欽定四庫全書

文苑英華卷八百五十二 宋 李昉等 編

釋三

廣州寶莊嚴寺舍利碑一首

梓州鄭縣靈瑞寺浮圖碑一首

廣州寶莊嚴寺舍利塔碑 王 勃

昔者萬人疾疫神農鞭草而救之四維凋瘵夏禹刊木
以除之豈非物外其性則道功出事憊其和則人績著

傍稽素篆仰叩元扉即時義而規大覺因曇倫而佇真諦向使三災克殄八正咸脩人握戒珠家藏寶印則三十二相不可得而視也八萬四千法不可得而聞也然則聖人以運否而生神機以喪而顯況迦維授手摩詰推心高張妙用之功自極橫流之弊蓋不獲已豈徒然哉故能業擁大千化形真一由樂惟而起七覺因來蘇而坐三昧發揮五演以寂滅為身常提挈四流用慈悲為化迹黑風宵遁波旬忘反噬之心綠沼晨開天常識

問津之所括夷塗於九相蹇步其安納惠畧於重昏迷
方自曉大矣哉應物而起興運而終至自於崑冥復歸
於無物雖金沙宴駕雙林無可作之期而玉諫遺文六
塵有經行之俗象法不可以無至疑微言不可以遂喪

六千羅漢競結香緣五百仙人分開講肆星龕月殿俄
盈震旦之墟鳳剎蜺旌坐遍閻浮之域屈伸闔闢其道
矣哉夫寶莊嚴舍利塔者梁大同三年內道塲沙門曇
俗法師之所立也其琅邪貴族則漢庭峻節祖德猶傳

梁甫高吟嘉聲未遠法師夙登直地深入惠門照果業
於三明拂塵勞於八解羊車綺歲懸欣半月之詞鳳閣
鷗年已振彌天之響道惟堅固行乃頭陀百結斯安斥
羅綃而能疑御十珍雖貴對藜藿而甘心于時以石應
天人大弘緇侶法師至誠幽感獨步元宗豈直王公欽
振錫之風固亦天子降同輿之禮寶瓶宵注則雨露隨
軒玉柄朝撝則風霜滿席既而素懷有在潛擯俗之圖
爰定我居首訛疑棲霞之寺爾乃巖開石雷邑跨金陵

魚峰多讚咀之懽虎磯有送迎之限紫蘿山徑居藏勝
記青松磴戶坐諧幽致枕石漱流者久之原夫見化有
緣應身欲謝昊天罔極追懷自遠故有諸天會聚共位
神光列國交兵

闕

譯求其致豈不深哉然則麟鳳

下靈猶稱瑞貺玉石微翫尚勝精彩亦有楚鐸淪照擢
紫霄以衝星周鼎沉華吐黃雲而噴景成浩

疑

作者之

述足稱希代之貴况乎釋迦妙相如來真骨雖八萬四
千之寶塔散在群方而九十二道之靈虹

闕

終聞問

欽定四庫全書

文苑英華
卷八百五十二

三

出立成斯應瞻庭廡而時逢非德不鄰歷山川而罕致
是以優填頓顙思存電下之光波慙投身願奉巖聞之
影粵在梁武精求不暇以為秦登碣石而事止尋仙漢
索瀛洲而心非好善於是齋筵夙設上祈忉利之宮講
帳星垂下請龍王之藏輕齋棹海重賞梯山庶玉匣之
全移幸金棺之半啟以法師智遺人我識洞幽闕思假
妙因冀通靈感爰承綸紼載踐滄溟過石門而右指歷
銅標而左顧乘桴月泝戒楫星沼相彼遐陬寔惟荒裔

一音演說本承聽受之鄉五日繼明素隔照臨之域珍
奇乃萃聖德節攸傳則知有感必臻信覃幽闕不行而
至豈隔殊方法師既達國城式數朝命授鉢筐而頂禮
撫瑤緘而跪發盡收其寶重載而歸亦猶珠匿弊衣須
馬鳴而後用金藏陋宇待龍樹而方開梁氏之都妙筭
而仰神光家之由也十四字疑有脫誤炎涼可質往反九十旬
楫施不輟風潮八千里以大周三歲屈于茲邑法師性
豐幽澹質固虛羸綿歷是淹疲疴屢積維摩見病蓋伸

方便之門道安謝歸思遠朝廷之事願居此刹有詔許
焉仍分舍利俾弘直福國惟甌駱郡實番禺爾其封疆
跨躡之壯海陸會同之壯上當星紀下裂坤維階百越
而鄰三吳輒雕題而陬交趾神化氣色汀洲建不死之
鄉舜禹精靈原隍現行宮之地閭閻霧縠士女雲流謳
歌有霸道之餘毗俗得華風之雜蜃樓高峙猶埋夕帳
螺臺峻績尚識朝基信夷夏之奧區而仙靈之窟宅也
此寺乃曩在宋朝早筵題目法師聿提神足願啟規模

爰於殿前更湏彌之塔因緣盛力人以子來徵日官而
正墨集風師而舉草育王莽令掃地戶而獻神兵梵事
馳心感天官而下靈匠崇階遽積寶樹俄周不殊仙造
還如湧出故其粉畫之妙丹青之要璿基岌其六時琬
關紛其四照仙楹架雨若披雲翳之宮綵檻臨風闕道
扶搖之路散華璫於月徑壁合非遙撥罽網於星潯珠
連可驗玉虬承雷縹雲竇而將騫金爵提薨拂烟衢而
待翥瑤窓綉戶洞達交輝方井圓泉參差倒景雕鏤備

勒飛禽走獸之奇藻繪爭開複地重天之奧懸梁九息
良馬駿走而未窮疊磴三休闕騁健而知倦是栖銀櫨
用府瓊函採舍衛之遺模得浮圖之故事爰自梁末以
迄皇初城邑屢新軒墀若舊雖復百魔蜩沸聽鼓鐸而
懷音六賊蜂屯仰椽欒而草面多迴淨施罕犯仁宮則
知會吹遐斯同偃草慈雲所潤豈直流根故能比蜀守
之詞堂長為典制均魯王之秘殿若有明徵而其作鎮
一隅俯炎荒而獨秀盤基有地冠終古而長存者乎國

家業擁事初事用皇極高祖以援其疑撥亂伏紫氣以
登三太宗以端拱繼明自黃離而用九皇上續乾坤之
令業振文武之英風太階平而百度理中國定而兆人
樂時和歲阜邑頌塗歌以五刑不用六械徒設舟車四
達誰論貢賦之差襟帶八荒非復華夷之隔天寶降地
符昇木石甄祉飛沉郊慶雖叶和末疑變實類文思之
功而持盈守成亦資連闕大中大夫使持節廣韶等
州都督李某早登清貫夙踐崇軒嘉猷迥發於天朝善

政果行於朞月越谿仙鶚吐光芒而駭人岱嶺寒松排
風颭以成性美哉稱由功著鵲響徹於雲霄方為時須
熊軾疲於道路廣陵單轂如送張綱渤海亂繩復思龔
遂王尊皂盖欣臨拆坂之前吳隱朱軒更集貪泉之右
高名夙著佛化橫飛羣盜屏跡而歸農姦吏聞風而去
職京坻坐積圉行疑作潜廵汲黯之卧淮陽直聞清淨
王堂一作商非之居池郡疑作汝群但舉賢良用能使檻穽不施
猛獸巡江而遠竄市廛無擾商旅倍道而相歡颶風寢

毒炎埃罷屨

疑作房

人稱有道家實無為加以援翰寫心

自契真廉之旨高談見意不踰元默之津學究儒林真

窮什部知通人事且味禪宗道可以知歸虛物

闕

由其

顯會是歲也忽於此塔重覩神光玉林照灼金山具足

倏來忽往類奔電之含雲吐燄流精若繁星之轉

闕

傾

都共仰溢郭周窺士女幾乎數里光景動乎七重寶盃

冬之日也觀夫至道不私瑞生必由乎樂國慶基有會

福至必依於善人自非化足動微教非飾迹何以發真

如之盛契壯實相之輝華在昔鳳集潁川宣后歸功於
良守龍游湘浦章帝布德於賢臣歷選前猷茲為故實
然後上和下睦主聖臣良滅火逐風雖有辭於進壤母
脩子應亦何愧於當仁至於百越衣纓三閩疑作耆老

或代道篁竹氣推丹桂之城家擅芝蘭名動蒼梧之野

出平原而祛甲擁崇闈以鳴鍾並為蕃部之恩親親招

提之瑞同祈介福共潔齊壇聲

疑作

龍象於南州盡衣

鉢於西竺會吞方丈供備孟蘭法鼓振而沙界肅供鍾

鏘而鐵圍靜妙財爰捨法施爭流華轂初於香城文駟
填於寶廐鏹藏巨億更入僧田價直百千還登佛座豈
徒照車十乘列隋氏之明珠盈篚萬金積大顛之寶具
而已朝散大夫守長史闕地乘華緒價擅名流豫章擢
而成幹騏驎生而躡影山濤天骨無情吏隱之間王衍
風神自出塵埃之表自忝榮巔墜作式瀛幽略其小術
包其大體振溫良之逸步得毗贊之宏綱布道移風善
寵邦政歸休置驛獨守家聲然則野老行歌雖致功於

露冕藩君坐嘯固籍美於題輿化成異壤抑由同德故
能道揚法教揮斥蓋纏家懷方廣之恩人慕韋陀之學
傳燈繼廣曳組成陰下逮府寮旁因縣寮並恐疑薰脩
同希福惠豈可謂爾之教矣何日忘之者乎時有明威
將軍行禹府折衝都尉李公天子之舊屬朝廷之夙將
也靈根自遠聖族多奇受睇盼於甘泉奉衣纓於平樂
青龍帶劔光超殿閣之榮白武銜珠早陟齋壇之寵自
招皇誕作鎮邊城湟水樓船遂勞都尉灞陵車馬尚識

將軍魂驚斷鴈之峯思盡沉鳶之浦濡鱗涸轍處定水
而彌勤撫翼香林在窮途而更切頻光法會荐委珠珍
護持攸仰招提是屬其兆基也如此經綸黼藻其大矣
哉爰自上座實輪等並妙根宿植勝果將圓翰飛般若
之林高步檀那之舍慈衿密洞散明月於談筵智鑄相
輝化繁霜於寶刃思琬琰式播徽猷弟子家嗣太丘
忝閨門之薄宦地連睢渙竊藻繪之餘工爰託下才用
旌高躅豈知仲宣旅泊方街深井之悲長卿罷歸空負

陵雲之氣我之懷矣乃作銘云

太息頽運嗟呼失道德弊為仁物壯則老繫猿情暗求
鶚討早赤水沉珠元邱墜寶皇矣妙覺蒸然應朝宗深
微妙業奧慈悲燃燈匡俗捨棧濟時涅槃不住般若無
恩俯迹見生和光不滅色音雖昧規模尚切

闕

猗歟上人穆彼惟新智傾八藏心超六塵淒涼燬
宅解脫迷津鴻冥佇想龍蟄存身青蓋遺邦黃旗故服
原隰形勢江山重複礪戶秋明巖盤夜燭

闕

鼓鍾于宮聲聞于外聿求紫闥言尋丹瀨絕域棲遑驚
濤顛沛至誠冥感神珍顯會甄陶設險翼軫䟽源尉佗
餘國盧循舊邊邑居雄盛人物殷全是惟樂土寶曰龍
川護持靈刹莊嚴寶塔基構鼎新亭藥櫨葉奔日宵排
歸雲曉納架壁三休連薨四合分惟星紀境控天池棟
宇綿邈衡津推移神機不應瑞景潛儀光合玉廡彩動
金枝凡我寮庶同嗟權實周顓情勤王濛思逸咫尺幽
鍵往來靈室共蔭法堂俱歸惠日四維信受三明弘益

貝葉紛綸龍華鳥奕講肆宏敞齊筵巨翼供引純陀飯
迴香積天人合契幽顯同心傾家奉賄破產移琛軒裳
曼驚纓珮交臨蘭薰習遠檀那意深偉哉連率冲乎德
化職重隼裳秩遵熊駕酌貪貽則還淳息詐道濟香城
禎疑寶舍琳琅什種杞梓緇徒調輕僧會辨拆文殊奔
螭易失令鼠難拘願刊貞琰永冠康衢伊我窮途欣茲
勝謁文休泛海中翔遊越尚想知音有懷明發謬惟雅
顧叨陪天骨爰抽弱翰式叙高蹤孤音易竭獨賞難逢

思起王粲悲生蔡邕豈無章甫誰適為容

梓州郫縣靈瑞寺浮圖碑

若夫神州括地寰中分五嶽之圖巨壑浮天海上擢三
山之秀造化之所樞紐靈仙之所窟宅故得闕發

揮雲氣牛頭山者即廣漢之名峰也圓裔幾乎數里直
上逾乎百仞若乃巖泉銑石之什風煙草木之狀傾九
圍而得雋環四時而競爽蒼岑隱嶙旁分玉砌之階碧
洞逶迤下趨疑金陵之苑實羣聖之所託也隋開皇中

王秀作牧益州來窺勝地首旌嘉號仍疏淨域因危裂
戶就嶺磴之成規跨險分榮借岡巒之廻勢工穹雕鏤

妙出丹青飛棟神行廻薨靈

一作
建

構又於山頂別浮圖

隋開皇告運明皇首出軒䟽

疑

琬昧基砒堙蕪奄興宣

榭之災施及栢梁之燼鄉望等馳心妙律夙契禪居悲

梵宇之摧梁痛珍臺之絕構思弘法願重緝竒功黨集

且千家惟巨萬以為玉樓星峙稽閭苑之全模金闕霞

飛得瀛洲之故事指香城而聳

闕

臨火宅而危魂參妙

範於神明騁良工於宇宙飛廉按轡定樞臬於風衡義
和頓策撥鈎繩於日路雕簷畫拱龍迴紫漢之間複雷
重欒鳳舉丹霄之外瓊扉暮敞推日月於金鋪繡栢晨
開落繁星於玉砌每至兩江春迈四野初晴山川霽而
風景涼林甸清而雲霧絕沙汀送暖落花與新鶯爭飛
城邑迎寒涼葉共祁疑作初鴻競起則有都人襲賞憑紫
檻而延衿野客含情俯丹樞而極睇穹百年之後樂寫
千里之長懷信可以澡雪神襟清踈視聽機竟於紛擾

置懷抱於真寂者矣且勃旅遊岷微漂舉涪鄉年啓一
穹時灰七變王陽西上方驚歛轡之心王祭南征實動
登樓之思我之懷矣乃作頌曰

大塊甄質名山作絕發地龍盤干霄鳳峙風雪萬邑岡
巒千里絕域天成珍臺地起揆剎元嶺圖基丹嶠層棟
崢嶸重簷窳窳有隋柰歷重明改照事與時遷迹從原
燎義均除舊事切為新如或繼者代有其人聲飛隴蜀
望動州隣爭開淨施競植靈因控險裁標循危列構巖

烟接廡風雲對雷鐸運星衢瑞懸月竇紫軒霞合丹梁
霧透暮春疏節新秋戒序照滿暄郊氣銷寒渚樹濃鶯
亂川長鴈舉流涕寫懷魂馳意與偉哉靈宇壯矣全摹
窮高極麗遠覽長圖賞因時合筆為神驅有情君子誰
為捨乎

文苑英華卷八百五十二